

遂初草廬詩集

序

遂初草廬詩集濱州杜文端公  
所作也公著作甚富皆藏於家  
今歲庚午秋初公猶子師竹司  
馬由蜀入覲先取公詩集訂之

而屬序於余。固公門下士也。  
又託葭草戚竊謂公固不僅以  
詩著即公意亦不歟僅以詩人  
名也。乾隆己酉典選拔庶成  
聖駕東巡。召試泰山下受

純廟特達之知 擢弘第一

賞舉人越辛酉遂捷南宮入詞  
館當嘉慶道光間公負文章重  
望出入清禁之庭翱翔皇華之  
路史垣珥筆瑣院持衡一時文

人學士仰如山斗余少已稔公  
名猶憶道光癸未公督學吾浙  
愛士以親子弟識拔寒畯廈底  
而裘曳之唯恐不至是歲公按  
試湖州值考院落成而芝農協

揆會元傳臚之報疊至衆士集  
賀請額其堂曰聞喜以為公之  
甘棠也迄壬辰予捷禮闈 殿  
試 朝考受公知出公門下始  
接光儀與春風中坐散悉清正

提躬恪誠莅位誠有如  
先帝所諭者蓋信詩誠公之餘  
事而僅以詩人目公誠不足  
以盡公也迺今讀公詩其有醇  
以正其詞清以腴不務奇警而

格自高不假矜飾而神自整五  
言宗陶而時出入於王孟韋柳  
近體亦不作大歷以下語即以  
詩論亦非時輩所能及嘗謂山  
左詩藪也近代如李滄溟邊華

泉蔚為七子翹楚王文簡宋荔

裳趙飴山諸公繼之風雅稱極

盛焉公起為後勁方之前賢豈

云多讓况公濱人也濱之為地

北距渤海南拱嶽宗挹博山之

蒼翠環滹沱之清漪靈秀所鍾  
英華斯萃公應運篤生踵李文  
襄後數山川之秀為一代偉人  
則詩之足以信今而傳後也固  
宜而余於公顧有不釋然者公

年逾七十以疾予告優游林下  
子芝農進協揆兩文孫繼園篤  
巢亦前後由翰林位卿貳人方  
謂公以 照朝達尊渥荷 天  
恩榮為家慶而一品之集歌詠

昇平且將與德年俱邵也乃不  
數年而協揆以勘賑卒差次公  
贊悲侘傺越數年亦卒而繼園  
筠巢亦相繼卒昔韓昌黎誌焉  
少監所謂未四十年而哭其祖

子孫三世者方之於公情事尤  
慘此余讀公詩輒掩卷而重爲  
累歎者也公所著尚有武鏡述  
訓等二十餘種歸竹司焉將謀  
次第授梓人則詩特其嚆矢也

予既嘉司馬之志又幸是集之  
咸得以先覩為快雖衰老猶當  
為泚筆序之肯同治庚午嘉平  
上澣門下士朱鳳標頓首謹序

濱州杜石樵先生以道光乙酉十一月  
詣吏部侍郎任維時崇恩學宦銓  
曹每因公進見獲聞緒論許貢遇  
誠承特賞其慎勤而不以似更相  
待少終成寃以詩翰或報于手談故  
得親炙三時為多乙未秋先生改官

裡郡旋即請老崇恩雖踰公鮮暇時  
決辰自月未嘗不探綏起居比及服官  
東南雖山川閼阻而歲時音教上未嘗  
疏略所歎者自十二齡學為詩歌沉酣  
寢饋其中者已二十年猥以秉僚羞於  
自薦曾未敢以詩就正于先生游賓

山而空田恒追思以为憾先生著述等  
有未遑問世今年先生程子師竹刻史  
自蜀來京擬刻先生全稿首以詩集  
號刊鄭重徵序於予因得文而卒業  
伏讀諸作秀骨天成神韻高妙方  
諸古擅有此章柳之堂而名蘊陸之

席即以

熙朝而論山左主持風雅者漁洋之  
後一人而已先生千秋碩學一代偉人  
空膺謗陋三辭廁諛簡束獨念昔官  
吏部時承教益若十年徒墮陰一枰  
不移不履杜陵花折尚挹餘香彈指

四十年来光景早駕返星曠崇恩示  
質隣東朽不有紀述誰盟此心重以師  
竹為予前撫山左所舉孝廉方正第一  
今乃循吏名實相賓謠謡百三義不  
安已乃覩縷先生知愛之情及師竹殷  
拳之雅謹綴其序聊申古懽且深

韋潛序先生詩而快讀戶視之其餘  
古文詞賦筆記雜著而有十餘種至為  
師竹已次第刊行林壑餘生偶程健在  
行當一、校讎又綴點跋增闕以傳則  
前所錄者可無憾而今所幸者得已  
良多矣至于先生壽享期政

恩承奕葉子孫鼎盛備極  
褒榮誠邇千古所僅見載在  
國史傳之家乘固人所共知且見崇恩  
復何容贊一辭

同治九年歲在庚午十二月廿有一日銓曹  
署屬吏長白覺羅崇恩恭謹題

遂初草廬詩集卷一 西軒草

琅槐杜 墉石樵著

擬樂府九首

尾生歎

與汝期乎橋之下上有雨雪豺虎滿野蛟龍衙衙衝素波日昏  
不來奈汝何猶有鬼神兮汝知之邪

扊扅歌

扊扅歌何喋喋君爲秦卿焉置妾貧賤如妾何所求富貴如君  
賢者羞

季子歎

咸陽秋風吹客衣糟穢之婦不下機傾耳側足難爲顏位尊金  
多反掌間君不見會稽守印懸肘覆水能如未覆否

亞夫軍

班馬蕭蕭橫陣雲刁斗無聲人不聞人言此是亞夫軍先驅來  
天子勞師開壁門天子當如將軍約軍中不識天子尊呼嗟乎  
父老爲言跪推轂鄉者兩軍何踏蹴誰則爲頗誰爲牧

灞陵尉

風吹渭水寒撲撲棧頭立馬何瑟縮灞陵亭中將軍宿今故日

以遠趣舍日以轉反覆乃其常將軍見何晚予尉頭思寇讐將軍相固當侯

新息侯

日南珍珠大車載此事那不值一拜一拜不答反爲仇城西橐  
葬新息侯新息侯不相人但相馬駱越銅鼓置殿前長者家兒  
伏牀下令人卻憶贈言時牀下之人侯所知

尚書履

門如市心如水臣不逢君那有此心如水門如市君不知臣復  
何恃臣罪當誅臣言不誣君欲復聞尚書履聲亦更無

逐彈丸

柘枝之弓黃金彈百步一發連珠散肉脯作食絲作衣飢寒不到長安兒君不見黃頭郎一朝侍天子蜀道銅陵何纍纍到頭不得名一錢犴狴中間空餓死

劉平妻

胡氏從夫戌夫爲虎擒氏殺虎奪夫見楊鐵崖樂府按劉平濱人也其村今猶稱殺虎劉云

棗陽道上車鄰鄰道旁猛虎飢齧人健婦夜中隨虎去虎口奪夫虎亦怖拊背扼其吭搏擊空拳張顧呼車下兒拔刀屠虎腸谷中悲風瘡不發仰視列星爲低昂旦烹虎肉作朝食卻裹夫創問夫疾使兒無父妾無夫妾欲有生安歸乎

送王鹿柴南歸

揚袂此爲別知余獨有君秋風何瑟瑟落葉復紛紛澤國千帆  
發江天一雁聞來朝更相憶揮淚灑南雲

送計籌山先生歸松陵

愁將詩酒寄微官歲暮逢人道路難千里鱸尊情鬱勃十年簪  
紱意闌珊山村過馬煙容瘦江步停舟雨色寒回首可憐門下  
士朝朝山斗向南看

泛大明湖

當頭明月幾如此倒盡金壺不忍歸我欲乘風向東海星辰吹

落滿征衣

濟南夜雪同蔣斗南朱芷亭謝鶴峯

烏嚦啞啞日向西怒風撼窗凍雲積雷硬街鼓聲漸沈開門雪  
花大如席朱生拍掌蔣生笑謝公掀髯森矛戟呼童秉燭繞屋  
走踏碎瓊瑤那復惜明年獻賦長楊宮今日低頭事鉛摘尋常  
詩句珊瑚鉤掐胃擢腎苦搜索何意天公憐爾我夜令斗室生  
虛白梅花紙帳兩清照對此渾忘身是客來朝放馬得得行看

取湖山鬪標格

次韻家兄樗園慶雲道中作

長途何索莫未覺過春天白水交沙路黃花半野田行人敲石  
火旅舍暖荒煙此夕還家夢魂歸何處邊

厯下經年客離居首夏天兄回過里社我住近湖田城闕生殘  
照林亭曳晚煙如何此時望不盡北雲邊

廢園

手版肩輿說故侯當時佳客盡羊裘更無人迹荒園裏苦竹叢  
深水亂流

留別吳子鄉

樽酒論交厯下亭大明湖畔草青青相思此後知何限風笛爭

堪隔水聽

留別吳補之

楊柳橋邊蓮子湖  
十千斗酒且論沽  
他時到此能相憶  
一曲清歌尚記無

客舍嚦蛄滿院聞  
牡丹時節始逢君  
只愁一別真如雨  
空望江東日暮雲

夜坐

譙鼓暗沈沈  
樓垣夜色深  
當門煙樹靜  
隔壁草蟲吟  
詩卷饒餘興  
琴囊澹古心  
平生爲幽夢  
未厭此中尋

園中栽小槐兄樗園曰二十年後可讀書秋樹根矣詩以  
誌之

雨後新槐葉葉圓平齊小屋正如船將贏一日清陰好更坐西  
窗二十年

對酒呈宣使君

笑我兀坐海之濱有生已屬羲皇人曉踏六龍看白日天風浪  
浪波粼粼自昔受書始束髮青袍誤我三十春鳴琴擊劍未暇  
學雕蟲篆刻那足珍爾來世事相棄置墳塚暫得開心神鼓舌  
豈須嗟大耋傾壺時復見天眞糟邱之築何嶙峋不飲其如愛

客心雙魚撥刺銀盤膾魚熊脯鼈互錯陳玉簾金管兩凝咽和以鐵板凌紫雲北海已倒足下屣淵明忍負頭上巾意氣當筵轉瀟灑舉觴左顧平原君人生窮達各異趣杯酒不謂相知音我聞長孺卧官閣蒸庶感化皆班斌又聞平陽崇黃老翶飛蠕動歸陶甄但願主人一醉累千日坐使遐陬荒澨風俗淳

東臯亭上

亡書不自檢擲筆上空亭水氣遠林白煙光平楚青家園聊燕息幽思忽沈冥鴻雁山中去寥寥未忍聽

冬日齋居和家兄樗園

毛生未捧檄董子且垂幃簷雀冷相向窗雲凝不飛坐愁良歲  
晏行念好春歸一獻金門賦前心忍便違

病起郊行

孤城伏枕兩年餘往事遭逢問子虛猶有登封書未草茂陵春  
色起相如

秋夜

卧病西軒久吾如秋夜何簾深星影細風靜草香多復此憑烏  
几無須卷白波幽憂暫相遣天際片雲過

讀高士傳

遂初草廬詩集卷二

四庫全書

六

軒鴻起天末冥冥安所之天馬爾浮雲羈勒何由施世人徒汲汲陸沈而坐馳朝爲白屋士莫登青雲梯貴賤一以殊在安竟忘危不見桃源人回首長相辭雲流水自止花開無盡時

古詩

首陽匪謂拙柱下詎云工大道苟有會迹閼情亦通姚姒振高躅漢魏希遐蹤邈哉混希夷軒然歸鴻濛聲名不自貴神理如可憑吾聞滄浪歌逝將追清風

述飲示友人

夏后屏儀狄薄俗日以敦傅巖作麌蘖舉世如飲醇二者更相

反是非難具論今我執兩端非疏亦非親謂此酒中味少復得  
其真如以澆頑石化作文理新更將灑枯條凍葩生陽春吾屬  
一引滿塊磊皆坦均相視二三子脫罥無畦畛從茲更約法矢  
將古道存但使坐連膝須令杯在唇能者可五斗不能亦一樽  
今如此良夜奇懷自輪囷復爾爲寂寂明月應笑人所懼以爲  
豪沈涵連朝昏坐使名教樂向此杯中渝勗哉須同力戒之還  
再申忘絃蘇夫子荷畚劉伯倫

鳳仙花

仙人引手能招鳳底事閒花號鳳仙冷味尙餘晨露後芳心誰

認晚風前從他江上芙蓉笑謝卻詩中荳蔻憐千里蓬瀛飛不去月明簫管動雲天

晏起呈家兄樗園

小時喜春陰郊野相追尋邇來愛秋曉看花起常早素性每不渝朱顏亦以舒今朝攬明鏡驚若山澤臞子子疎竹瘦落落長松孤白石清泉間翛然標格殊意願良自得容色竟不腴將母嚴霜凌或與淒風俱不然年老大愁思尋歡娛人生百年內忽如遠行客胡令方寸中著此百憂積徑須學莊生蘧蘧一枕適是乃養生術猶勝餐玉液

對雨

朝來一雨壓輕塵  
几閣風光特地新  
繞砌花枝醒醉眼  
卧牀秋色到閑人  
禁當事業趨金馬  
脫畧公卿岸角巾  
容我西軒容膝坐  
葛天應自有遺民

秋曉

牆角疎槐曬早鴉  
西風約雨入窗紗  
隱囊夾膝都凌亂  
自起開簾看落花

移菊時十月五日尙未開也

負風冒雨一闌栽  
忍凍軒屏不肯開  
先作花前三日飲重陽還

我滿頭來

次韻家兄次屏憶明湖之作

厯下亭邊輒短橈南豐祠外踏平橋周圍蒲柳多繁映鎮日樓臺欲動搖浦裏歌聲還夜夜城頭山色自朝朝吹笙懷古何年事坐想想樵風一葉飄

元武廟晚眺次家兄次屏韻

秘閣丹梯挂夕暉匯波樓外晚煙微南豐祠宇閒花在北海風流片石非水檻幾邀詞客步葑田多傍釣人扉憑高無限悲秋意吟到黃昏未忍歸趙鹿泉先生書少陵陪北海宴詩刻石置厯下亭

遙遙宛洛似元暉  
暇日心情滿翠微  
工部詩名前輩少  
漁洋柳社昔人非  
閒雲影裏萍開徑  
流水聲中竹掩扉  
看盡斜陽城闕晚  
蒲帆卻載月明歸

趵突泉次家兄次屏韻

果然石下有靈湫  
倒湧風雷出上頭  
黑水潛源何處問  
青山餘地此間收  
仙人閣上瀟瀟雨  
佛子峯前颯颯秋  
誰識倚欄吟古調  
都將心事付輕鷗

北上辭先靈

手翳長裾淚不乾  
朔風吹雪透衣寒  
自從提抱分離後  
初試人

間行路難

落第

丁香如雪柳如絲正是寒輕暖嫩時可惜長安好風景看花無奈馬蹶遲

京邸別家兄樗園

近有還家夢松風一枕寒朝來問行里幾日出長安別以途遙苦居因米貴難雁行秋色後翹首鳳城看

東歸二首

名場時不利拂衣暫東還先人有敝廬阨上耕薄田飛躍性所

託升沈理固然子雲賦千首太白詩百篇俯仰二儀內亦足稱豪賢

大風羊角轉長河瓜蔓流挂席數千里送我東海頭左手引安  
期右手招浮耶特地策六鼈相與觀十洲一掬咸池水洗我塵  
俗眸顧視世閒人何異浮雲浮

出都

作客聊云爾思家亦偶然身心無住著車馬屢俄延榜後知春  
去途中見月圓一牀書尚在卒讀帝京篇

伯陽橋

河隄五月鎮迢迢立馬垂楊魂欲銷  
新夢登場人語靜午風吹過伯陽橋

寫家書寄家兄樗園

一葉梧桐下金井忽然涕淚滿天涯  
平安書罷渾無賴自向高臺看落霞

旅食京華春復秋每聞金盡典貂裘  
鄉心近日知多少定逐桑乾晝夜流

北郵遲客不至

負郭宅三畝開軒禾四圍牆聞宿鳥下樹杪  
斷雲飛落日敲茶

白涼天摘露薇陶家松菊徑情話坐相違

讀史

貨殖耀史遷朱儒驕臣朔豈爲恥賤貧聊以寓卓犖羇者窮棲士拄吻生嗟毒豪賢供嘲哂勲名恣貶駁此亦何爲爾已清物自濁疏水有何怪簞瓢已云足邈哉聖賢心於世固不數雖難學馴龍頗思類刻鵠我笑仲長統無乃未免俗

漫書

才名竟零落世事遂推遷狂態時逃酒癡情漸入禪拈詩尋幽後解夢悟身前爲我鍾期者無言意已傳

漫題

年來齒豁更頭童磊塊胸中漸次融入世俗人聊爾爾出家釋子漫空空試將真假猜蕉鹿莫把東西問雪鴻掩卷微聞三歎意簷前秋月與秋風

大雪之厯下途阻復回

馬首西南去微茫路可尋雪花埋折葦煙色界長林日下河干晚雲生海角陰來朝空獨返感遇負前心

過魏氏外姊

南轍方梗滯東道爲遲留此去詢何事重來計幾秋燈明闌小

座雲暗壓高樓復恐侵晨別北風酸射眸

次韻家兄樗園客中雜感

鄉思羈愁那可任本來世味總酸辛飄搖忽使雁行斷局促難  
將龍性馴仕宦終當邀一命文章何止廢千人應憐下里栖遲

者寂寥軒窗過小春

李雲屏表弟招至津十餘日乃歸率成寄之

幾度相思託尺箋平原十日亟招延樽前按曲徵風夜飯後移  
花乍雨天南郭偶詢西去路東津閒上北來船於今一別愁如

許苦憶蘇州對榻眠

家兄樗園來詢近狀時久無家書

多病從來榆沐遲酣眠辜負日長時况兼人世閒酬應半作書  
傭半作醫

玉泉山色又新秋旅館光陰動客愁莫怪鄉關音信斷比來難  
得寄書郵

秋夜懷家兄樗園

花木叢深閃碧螢往來負手向閒庭懸知枕簟危樓下夜夜憇  
看杆曰星瀆之分野

吳補之館中留飲時將北上

十里單車特地來入門衣履郤塵埃一林紅葉因風下九日萸  
花對客開憐我文章持弱管知君意氣屬深杯他時風雪燕山  
路憶著今朝首重回

陽信道中

悠悠遠道心落落浮雲意低草又斜陽行人背風立

喜晴

一雨竟三日屯雲鬱四溟長風驅屏翳忽然生新晴披襟坐虛  
堂舉手捫疎櫺餘潤壁上漬遙吹林外鳴頽聞田翁語禾稼方  
縱橫天心固仁愛旭景開埏絃况今隴蜀士車馬日從征庶以

助飛輓萬里揚天聲匹夫知同仇我爲體骨輕會緣西疇事假  
步東皋亭翫彼景物華暢此怡悅情

夜坐懷家兄樗園

荒城遠柝起孤館微雨歇開窗納新涼坐見海東月

兄樗園闢前郵示近作卻寄二首

哲兄才調世無儔自把珊瑚著網收識得天孫新樣巧錦機合  
在管城侯

逐隊名場二十年心經手緯一寒璫如今回首青雲上不是富  
時八月天

靜海早發

露草星低岸風林月落城旅人呼早起僕馬伴孤征蟬靜邨俱  
黑蛙喧水乍明問途東海近又見曉陰生

題蓋御李竹後軒

夏至樹連屋雨來水拍邨虛庭無箇事看竹到黃昏

雨晴

一雨洗空碧雲開日色新天教花靚麗人似竹精神餘潤到藤  
簾微涼生葛巾門前溪水漲更議理鉤緝

畫竹

掃將三五碧琅玕坐使虛堂六月寒卻似鄰家森萬个過牆踈影月中看

大雨竹欹沒徑折腰至地乃得過示比屋張君

入伏十許日大雨電以風使我齋前竹僵卧短牆東勁竿稍撐拄密篠遂蒙龍我尋張仲蔚相去僅數弓撥枝覓故逕乃似埋蒿蓬碍眉皆翠蒨攬衣入青葱居然等納履豈但類鞠躬當其偃僂時蛇蚓將毋同側開大塊噫吹折西園桐我竹今猶在摩戛玉瓏璁往來雖云勞造化亦已豐

留別蓋御李再裴兄弟時將北上

歲暮一樽酒出門雪照顏胡爲惜離別此後更關山覽古金臺  
側懷鄉雲海間虛齋儻見憶明月竹梢彎

遂初草廬詩集卷二

瀛洲草

琅槐杜 墓石樵著

吳倩生太史吉夕

承明詞賦雅翩翩臚唱聲聞玉鏡前彩筆自題妝閣額宮袍分  
帶省鑪煙開匱鄭重看金帖籠燭端詳說木天好語蘭臺諸令  
史畫眉新樣入芸編

洛神畫幅爲倩生題

羅襪動微步蘭襟散芳澤采芝故盈盈解珮何脈脈掩映詞賦  
閒復此見粉墨晨光透帳角一段春雲白

遂初草廬詩集卷二

書范氏三世節孝行畧

三世玉無塵蘭臺照簡新採風驚史氏絕筆見斯人慷慨傳心語從容許代身幾回

天鑒下慨息動星辰

次韻家兄樗園秋夕寄懷之作

春明僦屋細論文忽對郵筒日欲曛俱是宦遊俱作客一重鄉樹幾重雲有情海月天涯照無伴蘆鴻塞上聞回首聽松軒裏話夜來風雪夢同羣

送韓城相國

予告歸里四首

鈞軸運魁杓恩榮際

兩朝玉衡占度正金鼎識羹調弼亮趨黃閣勳名麗絳霄西南  
烽燧靖歸夢曲江遙

詔遂懸車願還鄉及上春遲回依

紫闈稠疊送

溫綸泉壑抒懷日冠裳叙別辰六街車馬動祖道畫圖新  
猿色河聲裏琴絲鶴步邊畫堂開綠野珂里指藍田勝賞煙雲  
供春華杖屨延樓頭松籟發流聽擬鈞天

幸託龍門峻因叨鶴藥榮詠苦惟仰謝立雪始依程意結秦雲  
色神飛隴水聲重瞻山斗日花柳繞春明

正月四日入直

武英殿

鵝鵠觚校日映晨中天奎壁一時新河流過閑皆如玉樹色當  
櫨已著春檢字不知窗影度傳餐始覺漏聲頻長將翰墨酬

恩顧可矜

堯階侍從臣

雨往海淀晚齊卻回

出郭曉濛濛山光滑笏同樓邊藏宿霧城角挂秋虹路折當頭

水車迴各面風蟬聲一萬樹人在夕陽東

晚出西華

轔轔輕車碾細塵西華門外夕陽新宮雲度

闕秋陰淨苑樹依牆冷碧勻塔影壺天煙漠漠鐘聲花漱水鄰  
鄰從容退食南軒下猶覺蓮山入夢頻

偶成

丁香樹側藤花下看盡玲瓏月一弯自詠新詩和鄰笛旁人翻  
作念家山

葉韶軒錄示蜀中女子鵲紅富莊驛題壁詩因書其後

拂拭題詩旅夜殘江南消息路漫漫蛾眉近得西歸否不似當

時蜀道難

時蜀寇已平

寄家兄樗園

數行短札報兄知一見還須三載期曩爲書忙晨飯早比因月  
好夜眠遲撾門有客胡盧問盤甕無糧輒轉支郤羨玉皇香案  
吏蓬萊猶是謫居時

圓明園候

朝恭紀

五更珮馬盡朝

天

宮殿參差萬柳煙宿雨乍收金掌外朝陽纔到玉河邊

珮龍驤列

是日觀隨園侍衛步射

銀箭聲遲豹尾懸自數冰銜頻記憶文

章何以副

堯年

夜坐

西風吹暑去秋色落庭前高樹離檐直疎星對戶圓閒思酬客事暗數別家年職業今何許低回蟋蟀篇

寄蓋御李

故人隔千里握手四年逾記下南園榻時傾北甃壺蓮塘花發  
未竹徑筍添無何日還初服看君十志圖

聞御李病水飲復寄

書後問維摩今來體若何溼應隨潦盡健想得秋多棋酒時常  
減園林步屢過天機從浩蕩晞髮在陽阿

別王鹿柴來試京兆旋歸省親西平

長安酒瓊未重溫又作鴻飛踏雪痕滿地霜華臨潞水半山殘  
照過夷門別來暫隔桃園樂令弟幸到日親叨鯉對恩回首應

百平

憐京國夢疎鐘涼月幾朝昏

送家兄樗園下第歸蓬萊學博任次五日度節韻

燕市飛花別故叢兩回相見四年中無緣且生隨春去此恨頻  
嘗與酒同客裏明朝竹醉日馬頭千里麥黃風齊門煙樹蓬山  
月斗覺歸心滿大東

書李衡塘前輩濟美裕昆冊

元禮舊龍門名家風矩存祁祁儒術重益盍德容尊他日趨庭  
樂當年入畫論蘭薰復雪白發越見文孫

衡塘名太史高步玉堂班舊學巾箱在清芬眉宇間自拈金管

記疊奉紫泥頒拜手一瞻對古風猶照顏

冬夜

爐火殘紅鐵被溫寒風鳴樹雪堆門朝來卻忖夜來夢家在江

南何處村

夢至家立庭前雪半霽殘囊擁牆根露丁香數株語家人曰江南亦有雪但天暖旋落旋融光景似此

題方容齋太史湖光山色圖

平湖之濱遠山曲抵筆寫之不成幅達者心自有天游就景嘗須作畫讀未應耶望寘其身但覺文章映見腹胸藏河嶽十八九使人對此真忘俗憶昨寓直趨明光曉聽宮鶴雨如沐芙蓉朵朵搖空青鏡面層層漾新綠暫擬行向畫中來塵容自惡旋

局東方丈瀛洲定何許玉堂天上神仙福吾聞其語見其人此事終應讓君獨

偶成

螢棲腐草緣階上馬踏秋泥隔巷聽正喜長安連夜雨明門三日寫黃庭

贈別蓋碧軒同年

碧軒前倅商州激勦義民擊斬逆匪後羣盜相戒無敢入境所圍練萬餘人俱

裹糧自効事平以功擢監庫令丙寅冬自秦中來晤於京邸旋別之任余贈此詩也

儒生冠佩舊風流擲筆能輕萬戶侯千里揭竿紛劒外十年浙  
米向矛頭嬰城共雪將單涕裏餉先紓

聖主憂日下銜杯譚往事欲循錦帶看吳鉤

聲名一日動長安乍脫兜鍪現宰官眉宇秋添秦嶽爽觥籌夜盡李膺歡投壺尙說軍中樂折戟今從隴上看此後太平徵茂異也知王貢慶彈冠

送齊北瀛太史奉使琉球便道歸省四首

金蓮燭影下銅樓

詔冊藩王外九州

帝澤久漸天左界使星先出海西頭我將破浪驅蛟蜃君果乘槎問女神琉球分野與閩同正是春明好圖畫送行車馬遍瀛洲

溟海波恬浴曉暉錦衣初共綵衣溫中天綸粹宣鼇禁舊里雲

霞對虎門

封舟皆自虎門放洋

三日家園春色在四方弧矢壯懷存樓船

東下長風便許國原酬兩大恩

騎官虎士簇雲旗五嶽齊呼萬歲時

琉球有使者口傳天雨露五嶽

遯人心折漢威儀乘軒太史風觀野擁節諸侯守在夷好勵丹

忱同戴斗明年珍重祝鴻釐

一闋釣天動玉堂皇華銜命紫泥香蓬壺最憶魚龍夜瑣閣重追旛旛行海外詩名聞折柳日邊仙侶話扶桑版輿兩奉升平

聖主恩如渤澥長

古意

青青河畔柳離離城下草借問路旁人莫向榆關道

所見

落日帶橫郭急流奔下灘道旁牧羊子閑憶古長安

聞雁

明月臨高館新秋聞雁來關山何太早霜雪鎮相催作客窮偏

遠長鳴獨易哀初心空自警爲爾久徘徊

秋晚懷故園兄弟

怕老時窺鏡卻忙聊看花飛絲牽落葉殘照寫明霞書卷兒攤  
案文章吏報衙鄉愁正難遣塞雁一行斜

閑步

秋色嚴城晚宮鴉南苑迴薄雲寒欲雨幽徑淨無苔茗出新簷  
點花和宿土栽呼童問佳客折簡幾人來

移居雜詠

蕭然門巷子雲居南雁新迴落葉初晨夕漸於書卷狎往來微  
覺侶朋疏經時便面收殘篋舊樣屏風付小胥檢點硯田還望  
歲教兒著意爲蓄舍

每有撰擬院吏連舊文送看謂之屏風兒

高城睥睨面虛堂風物初冬逕未荒比舍濃分松影翠撲檐寒  
墮雪花香詩懷打疊消閒課畫譜差排卻病方文字那能除結  
習三餘拚送鬢如霜

薄醉成吟兼呈張怡菴表兄蘇樸園同年

柝聲番遞耳邊來酒意懵騰詩意催鄉味偶嘗脾忽健家書重  
閱眼頻開長沙客去懷湘芷大庾人還問嶺梅時怡菴將之湘南樸園自南安  
回厓屋黑雲天欲雪自將鑑箸畫寒灰

過蘇樸園同年時自南安守左遷來都

不作南州守一麾江海遙高低如弈局行住且僧寮健賞餘情

在佳辰素友招舊時香案吏相對欲魂銷

流水傷今日銜杯憶去年撲塵京國路釀雪禁城天越鳥寒巢  
畔江梅古驛前關懷無限事未便擬林泉

再過樸園

向別三千里重來就玉岑門前多好事方外亦鄉音寺僧平風度人

急聲寒鐸窗虛影夕禽嚴闈催客入惆悵暫分襟

聞樸園注部曹將復出都

升沈吾輩事消息共誰論入手棋逢劫當筵酒再溫鞭終揮祖  
迷馭好叱王尊他日河橋賦風煙又薊門

己巳除日大雪自予記事未嘗有也

綵旛搖颺逗春寒  
畫炬通明守夜闌  
四十年來成例事  
今朝換與雪中看

蓋碧軒自秦中來元旦至予邸舍

一年相見一年新  
馬策撋扉逢立春  
我已漸成燕趙士  
君今久作隴川人  
家園契闊同千里  
客舍休閒得十旬  
莫問前遊舊徒侶  
參橫月落恐傷神

碧軒將出都置酒言別

晨星幾望鳳原東

帝里鶯花樽酒同除日雪衝三輔白元宵燈踏六街紅歌場屢  
命相思鶯宦迹方乘破浪風太息離亭數聲笛河梁回首又匆  
匆

送碧軒之任順慶

春江花發錦官城五馬期君萬里行汗驥幾年勞顧問糞黃他  
日又勲名金樽照席燕臺別古戍吹笳蜀道聲料得峩眉風雨  
夜秋來唯盼使星明

書徐文長花卉卷子

盾鼻新磨墨未乾布衣不分霸詞壇興來兒取閒花影付與元

戎帳下看

酬李湘浦同年以所著安蔬草堂詩集見寄

一葉長安落井桐  
江南秋信付輕鴻  
遙知得句烏絲寫定遺添  
香翠袖籠

湘浦新納姬人

餉客自矜珠滿把  
留人忽憶桂成叢  
殷勤寄

訛清淮水載起蒲帆吾欲東

時淮水甚弱

辛未秋訪李滋園觀察於通州小嵐書尤西堂賀米牧仲  
分巡通永詩贈之因次其韻時偕往者六人蓋興往而  
舟遷也

青雲佳契歲寒盟  
左輔闕河見使旌  
意氣果能忘仕宦  
追邀亦

爲潤承平宵分投轄盡天際同舟一漢橫誰把新吟擅尤  
宋連朝歸去話春明

妹夫高億堂東歸

久住難爲別將離意轉新城南一握手車下各沾巾知己多前  
路英才滿後塵故山桂花發休惜素書頻

中秋懷家兄樗園是歲兄下第歸授徒厯下又時以子亡  
謀寘妾媵也

乍見先愁別旋歸如未來春風一彈指秋月忽投懷蕭瑟茅焦  
里蒼茫郭隗仄臺沙圃孔庭雨蟄伏禹門雷生事誰能說流年

劇可哀失聲奔驥子寄訛託鳳媒遠憶鵠原棟深慚蟻夢槐終  
朝役車馬千里隔塵埃益盜澆陶鞠色籬擷庾鮑編書留徑草  
畫字落牆灰時局聊云爾浮泡大半皆相看圓鏡照幽思兩難  
裁

直

禁中大雪

瑤天漠漠復霏霏旋灑珠樓羃瓊闌棲樹煙深和絮擁掠階風  
緩帶花飛曹閒藥省鑪熏靜坐對鼇峯漏響微他日山邨誇父  
老可將丹粉畫圖歸

題紀伯紫自書詩卷

伯紫事見  
池北偶談

秦淮十里映晴虛事物蒼茫翰墨餘一代詩名爲傾倒憐才誰似老尙書

春日同穆鶴舫宮詹陳荔峯學士遊盤山四首

梨花欲墮柳綿飛款款肩輿上翠微滿地煙嵐將不去只應收

拾白雲歸

天成寺

上雨花臺

萬松寺

窣堵含虛碧鑠煙半峯花柳最便娟且須更進竿頭步石罅斜

窺一幾天少林寺

百折成高百折深松階蘿院曉陰陰數聲清磬穿林去送盡塵

凡閱世心

古中盤

題四時畫四首

新雨衆山綠亂流孤艇斜韶光濃似酒一半落漁家

重林忽疑雨沓嶂竟成壁回互摺疊間中有梵天宅欲覓荷樵徑但見濯浪石緬思槃阿人長歌出深碧

丹楓翠竹染秋成萬壑千巖落葉聲面面煙鬟臨水照斜陽多處最分明

天下之奇莫如雪雪裏看山更奇絕界天一髮天無痕撩亂風  
花生眼纈溫潤不知乳竇斷追攀祇恐絮綿折寒鴉飛去晚鐘  
沈空明卻見前身月

楊吉邨儀部見示蘭園畫幅類登萊間山水

海風吹我長安住夢魂不識東山路拚教五岳十年遊攬袂欲  
行嗟已暮故人示我雲山圖認是鄉關瀟灑處何由揮手謝塵  
羈攜家卻向圖中去

壬申三月扈從盤山晤李滋園觀察於

一

行在還京奉寄二十二韻

皇帝十七載觀風出春甸惟君實守臣扈蹕行近縣予亦叨侍  
從帷廬數相見夕宿聽宮籌晨發逐車電啟明率一晤高春已  
再面望旆欲褰裳入幕卽歡讌迴互七百里雲物方蒨絢我乏  
濟勝具君假筭輿便峭削喜捫登曲折快游眄我時匱行厨君  
餉大官膳飽助立逢強醉充吟腸健地周綺陌逶迤畫屏轉  
行分住復合迹睽意彌戀我行返上京風吹節物變玉河柳絲  
搖金隄鳥聲嘲舊事每述說朋遊屢矜衍相望如辰星相會比  
神劖伊予何足道君乃濟時彥九河宣芳猷三接注深眷節鍼  
正待秉侶傳更起羨前期踐斐約後晤攬郇傳短章書蒲葵助

君仁風扇

余於嘉慶元年偕兄榜國入都寓居北城官學今夏兄亡復至其地悽然傷懷

庭樹已如此重來十七年存亡今日恨去住舊時緣効失舟何在鶯飛谷亦遷忘情慚太上掩袂一潛然

送王述嚴侍御出守甘涼

踟躇五馬立臺端露冕初更鐵柱寒遺俗復陶

天子問引對時上詢及之遠猷芻牧故人看車扶河嶽還將母囊解詩

書卽到官獨有臨歧悵觸甚玉堂把臂十年歡

驪歌一曲唱涼州仕宦甯殊萬里遊地僻自宜君卧閣魂銷可  
奈我登樓他時陸海收荒外前路雲山隔龍頭舉酒欲拚沈醉  
去西風冷露不勝秋

北門

初冬天氣晚秋時萬戶城中總未知曲水抱村煙淡淡疎林漏  
日影離離樓臺地闊見山迴樵牧人閒投郭遲怪煞駝鈴喧枕  
畔底如馬上撚吟鬚

枯松歌

有序

述嚴侍御居松樹巷余嘗叩命名由來指門前枯松曰

此所以志也旣而余亦移住此巷中近四年矣嘉慶十七年冬侍御出守甘涼余旣送之行還過其邸魚鑰沈茲松子立如故感慨當時因作是篇

侍御門前枯松樹我初來訪始識之擅名巷陌自何載人去門空今一時太古雷雨所剝喪百尺柯葉紛離披排雲老鶴獨顧影啄雪寒鴉空踏枝松乎松乎爾何不爲大道槐低迷陰雨牽征懷爾又不爲官橋柳搖蕩春風綰迴首獨倚危牆壓老屋坐使心情成槁木不能移爾山之巔水之涯停鞭卻繫白鼻騮揚船復作黃河槎出門西向長咨嗟

香山道中有懷

馬蹏得踏塵沙小立山根日欲斜太息官橋數株柳風吹別  
恨向天涯

前湖

往事追思倍黯然舊遊如夢亦如煙前湖西畔搘碑讀舊眼光  
陰十二年

題水山梅花畫冊

高山流水天然曲鐵骨冰心絕世妝一種荒寒人不到卻將畫  
筆付蒼茫

長安曲

太平鼓子如撒豆打徹春宵媚春晝連臂踢足歌落梅千門萬戶迎風開景陽鐘動城烏起朝過豪家暮戚里千尺游絲網行路一片楊花蕩春水兒家夫婿羽林郎日日青樓大道旁懷等插撥當窗坐不彈不語春心傷傷春心怨春老枕前一夜轆轤聲露井銀牀相對曉

歲暮懷李湘浦同年

眉指春風思轉賒故人作宦大江涯棨門聽鼓看山色香閣垂簾詠雪花震澤煙波無旅雁蘇臺竹樹有棲鴉障泥欲渡桑乾

送初草廬詩集卷二

其一

去城闕蕭蕭起暮笳

湘浦近以雪  
花詩見寄

姜春畬種竹圖冊

此君何可一日無况乃好事嵇阮徒誅茆剔棘安吾廬寥寥三徑吁其孤仙人自有葛陂種脫手滿地森成株碣角迸裂琅玕走檐牙摩戛蒼筤扶突兀刺空不相讓笑殺人間鳳尾様胸中千畝徒云爾手裏一竿何所況我欲從君求此術要使清寒生斗室祇愁二月雷逢逢一夜化作千蛟龍

車中望西山

看山倦卽對山眠夢去如遊醒又看十里輕陰疑作雨一痕薄

暝欲生寒煙岑草木粘天小酒市樓臺向水寬更好前湖窺鏡影斜陽不遣駐征鞍

直房對雨

別苑更番到忽逢春雨來鳥歡傍舍樹礎潤隔年苦急點和風送流雲帶影迴聽茶人吏悄獨覆掌中杯

感興

坐歎芳春晚幽懷只自知丁香垂戶日蝴蝶上階時論事心猶壯磨人語或癡生平少年意入夢半迷離

直閣下呈少鶴學士

玉漏沈沈靜掩扉篆煙欲定午風微前榮芳樹鄰青瑣別院名  
花對紫薇判筆自知文字重放衙不礙吏人稀吟餘獨倚鼇峯  
畔看盡閒雲傍闕飛

過東城官學志感

慟哭風流盡前遊忍再來琴聲今戶牖履迹古莓苔墨漶曾題  
壁壘荒舊蕡醅肴令原上草零落不勝哀

送兒子春試追慟家兄樽闌

帝里看花後蕭然垂翅東傷心辭北轍猶子又南宮代謝今如  
此衰榮竟未同迴車雙涕淚不忍向東風

書述嚴札後

對客每誇王景畧  
登車攬轡向關西  
難忘促膝雄談夜  
風雨千山送赫蹠

寄朱鈍甫

老眼看花事竟違  
詮癡作計未應非  
吾徒自愛孤行調  
舉世方珍百衲衣  
書卷埋頭見羅隱  
科名唾手讓劉幾  
鹿泉一去東皋死  
淚滿春風不可揮

再與少鶴

君至我已去我來  
君又歸苔岑同所託  
燕雁代還飛清蔭轉高

樹披垣澄夕暉玉岑不可就分手坐相違

入直遇雨

橐筆趨仙掖隨欄繞玉河輕雲猶汗漫驟雨忽滂沱迸瓦珠璣  
碎翻松鱗甲摩氣沈文牖暗響雜步廊多倚蓋疑縣漏塞宴欲  
弄波礎花生積暈博草沒盤渦移席臨階坐攤書側枕哦肘旁  
捐扇羽眼底況文轡館閣清如此江湖渺若何逡巡貪晚出重  
疊喜晨過北渚閑眠鷺西山翠滴螺壺天增夜爽露點朝珂  
六月入伏後九日大雨題子卿侍御看花懷人卷子  
歸期莫待花如雪歸心先約山中月重尋初地三十年掉臂孤

吟正愁絕人在心頭花在眼其人特近花猶遠嶺雲欲凍江天  
暮消息春風暗流轉大癡筆墨殊有神掃雪兼爲花寫真銀燭  
高燒一相向翻令對影成三人我今卻憇江南客手把斯圖重  
太息詩成急雨濺空來一片煙波五湖白謂李湘浦時令吳江

僕去

羨爾有似梁間燕秋去春來何所戀惄爾不如屋上烏朝飛暮  
息還相呼主人已曾識丈人復何德人生投分固爾爾世事感  
懷常惻惻君不見馬伏櫪鷹貪鞴隨陽擇木各有求他日毋爲  
拙者羞

題李滋園觀察江天縱目圖

滋園於嘉慶三年過京口登金山命工作圖於江濤浩渺之間遙情勝概映發眉宇今甲戌將復出需次京畿作詩紀事不勝今昔之感并屬同人題句四周余適病起於牀第間操音輒興奮飛之思故於末語聊寄意云李侯手持縱目圖挂我南軒之東壁自云作此十七載而今盛顏不如昔余謂君今方壯耳捲懷何止濤千尺遠遊似得江山助答報

聖朝在一出如余作宦來上都磨牛園圃踏陳迹東南寸步何

緣到耳有金焦目未識祝君持節下淮浦賀循儻爲季鷹客扣  
舷一作水龍吟也應驚破吳天碧

病中小嵐農部餉以麪糕風月食之未半輒能起立

擇月固無相說餅良未殫坐使維摩室似投淮陰竿下春聞剝  
啄異珍殊鹹酸先之瑤華字薦以賴漆盤清脆利牙齒甘芳蘇  
肺肝操几忘縷膾漑盆嗤牢丸何郎簪每下坡公飯可攤旣助  
夢魂穩且散齶腳頑以君同臭味令我生羽翰飽德曷有極銘  
肌諒不刊

小嵐復以風月見貽且曰東坡換羊後再添一重公案也

疊前韻酬之

馬卿病良已  
郇君廚詎殫  
欲以方丈食  
進我百尺竿  
未暇嘲詩苦  
亟爲破儒酸  
更平洗范公  
翫迷進殷生  
盤勝遺遠客  
鯉免市高士  
肝昏旦佐炊  
玉日月送跳丸  
歲迺籥欲改  
剛長笑可攤  
將軍腹猶果  
小人軀幸頑  
且習元駒步  
將隨黃鸝翰  
語長不可竭  
稿脫未敢刊

病起偕弟星渚猶子元子田守歲

自笑支離僂  
蹇身枯楊經  
歲又逢春那能  
便逐鳴珂侶  
且喜今非撤瑟  
晨懶口從頭聊  
算亥宦途底處  
不嘗新闢關骨月  
青燈

下老大相看一倍親

殘夜

北斗移軒月落庭春風深閉小山屏一重紙帳容高卧數點銀  
籌伴獨醒畫肚自翻書葉葉擁肩聊撥火星星謝家枕上詩成  
未夢裏池塘草欲青

京邸喜晤張南一表兄親家歡謳月餘將復之閩詩以送  
之

一去六千里重來十五年

自辛酉之間今爲再晤

向平無累否兒女各森然健立扶人竹

余適病起倚杖而行

溫生坐客壘酒懷猶磊落情話倍殷

拳雞肋名何惜烏踐隙屢遷

戊辰獲洋盜今七  
年始援例引

見聊爲除害馬那

計買山錢薦牘方論績分符會引賢昔從悲侘傺茲且脫拘攣

披拂風初翦徘徊月再弦

正月至都  
三月復別

山城如斗大江路與雲連

回首津門樹相思瀛嶠煙不時逢驛使頻冀劈蠻箋

示寅海雨孫

詩書孝友孰先知卯角猶嫌就傅遲種竹要看成節後養花須及未開時休言世俗輕肥好切記程途遠大期他日令名貽乃祖也教人道稱佳兒

五日送兄東屏歸里

少長提攜亦有緣他鄉節物轉淒然兒時舊事都成夢病後餘  
生欲學仙馬氏功名歸下澤陶家風日愛斜川惟應早下西軒  
榻白晝看雲踢足眠

閱舊日詩草

拈吟多在短興中一字推敲恐未工脫手依然如落葉半隨流  
水半東風

野思

十日曾無一日閒又驅羸馬出嚴關野風過樹忽來雨秋草緣  
崖都作山寺迴儘教雲度去郴深時見鳥飛還平生浪說江湖

好未到江湖鬢已班